

Ti torna à dî

Pè cunsulà l'amore morte
Vengu à pichjà à le to porte
Pè dî ciò ch'o vogliu sparte
A strada chî ci vole pè parte
È po u prussimu veranu
Ch'eo t'arregu da luntanu

A mio voce ti torna à dî
U nostru mondu hè pè guarì
A mio voce ti torna à dî
A notte ùn hè ancu à finì

Pè ritruvà l'amore care
È a sete di l'acque chjare
Eiu rispondu à le to chjame
Appaciu tutte e nostre brame
È po in un pezzu di celu chjaru
Ci n'anderemu à core paru

A mio voce ti torna à dî
U nostru mondu hè pè guarì
A mio voce ti torna à dî
A notte ùn hè ancu à finì